

նիքների տակ պատասպարուելու համար: Ջութակի փոքրիկ դազազը իրենց թեւի տակ, նըրանք անցել էին ասաւոր ճանապարհներ, ուումբերի տակ պայթող քաղաքների մօտից, ծըռուած երկաթուղիների վրայէն ցատկուտելով, հրդեհներից խուսափելով: Ուրիշներ, փայտ կարած մատերով, նստել էին դաշնամուրի առջեւ ճայնանիշներ պողպատելու, մինչ արիւնլըւայ ոտքերի տակ սեղալները բաց էին անում երաժշտութեան թարախոտ թոքերը եւ հեծում:

Եւ ասա, հիմա նստել են կալանաւորների նման եւ պատրաստուում են պատասխանել անհասկանալի հարցեր ին:

- Ընկեր նը:
- Ներկայ:

Տենօրը, հաստ, կլոր, փափլիկ մսերով, այտերը կախուած, թեւերը ուժասպառ, ոտքի է կանգնում, նայում է պարապի մէջ եւ ոչինչ չի հասկանում: Գիշերը չի քնել: Սողի խորոփածից յետոյ վայր էր ընկել բազկաթոռի վըրայ, բայց վարիչը ուրուականի նման առջեւը կանգնեց, եւ խոմփոցը բարակ սուլոցով վերջացաւ: Տենօրը ամբողջ իր կեանքը ապրել էր անհող:

Ժամանակին նա դեղեցիկ, փոքրիկ, գոհար ձայն ունէր: Երգում էր քաղցր, արեւելեան համակրելի տաք շունչով: Կանայք, փող, հարուստների շրջան, դիւրին կեանք: Բազուի նաւթահորերի տէրերը սիրում էին նրան իրենց սեղանի շուրջը ունենալ: Մեղմաբարոյ էր, շատ ուտող, թաւշեայ մեծ աչքերով: Ուրիշ ոչինչ չգիտէր: Ի՞նչ իր գործն էր: Միամիտ, տգէտ եւ զգայուն, ինչպէս երաժիշտների մեծ մասը: Այժմ հարուստները անհետացել էին, տարիքը ղնդերի մէջ կապար էր ածել ու կոկորդը՝ իր գոհարը փշրած ապակիի էր փոխել: Սորհըրդային իշխանութիւնը արդիւլել էր հռչակաւոր իր «Կոունկը» երգել՝ հայրենասիրական «հակայեղափոխական» այս հառաչը՝ ու նոր ոչ մի երգ կար իր ձայնին յարմարուող ու նոր, ոչ մի կարելիութիւն ապրելու:

— Կարո՞ղ էք ասել, ընկեր, ի՞նչ է լենինեան յեղափոխութեան նպատակը:

Տենօրը անորոշ մի ձայն է հանում: Աչքերը

պարապ են, տաբաթի դօտին թուլանում է, աջ ձեռքի մատերը բացուում են:

Նախագահը ժպտում է, նայում չորս կողմը, թղթի վրայ նշան անում:

— Բացատրեցէ՛ք խնդրեմ պրօֆմիութեան նշանակութիւնը Սորհըրդային երկրների մէջ:

— Հըմ...հըմ...հըմ...

— Ի՞նչ է կոպերատիվը, — հարցնում է խիստ ձայնով:

Տենօրի ծունկերը ծալւում են:

— Անցէ՛ք մի վայրկեան մօտակայ սենեակը, ներս կը դաք, երբ ձեզ կը կանչեն:

Տենօրը կարմրում է, ուզում է շարժուել, չի կարողանում: Աշակերտները բարձր ձայնով ծիծաղում են:

— Անցէ՛ք մի վայրկեան...

Վարիչը մօտենում է, բացատրում: Տենօրը, ոտքերը քարշ տալով, դուրս է գալիս:

— Պէտք է, — բացատրում է պրոլետ-բանաստեղծը, դահլիճին, — ամէն մի քաղաքացի, որ հասկանում է բանուորա-զիւղացիական ըէժիմի իմաստը, իր քաղաքացիական պարտականութիւնը կատարի ազատօրէն արտայայտուելով բացակայ պրօֆմիութեան անդամի մասին:

Լուռութիւն:

— Ոչ ոք ոչինչ չունի՞ ասելու:

Սոր լուռութիւն:

— Թո՛ղ ընկերը նե՛րս մտնի:

Ընկերը ներս է մտնում, մտահոգ նստում ու հարեւանին բացատրում. «Ձեմ հասկանում, ուսիս...քամի՞ է ինչ է...մի տեսակ ըեվմատիզմ»...

Ջութակահարները անորոշ բաներ են կրմկրմում, կարմրում, սպրդնում ու դասարանից վռնտուած աշակերտների նման սենեակից դուրս են գալիս եւ ներս մտնում:

Դաշնամուրի իտալական դպրոցին ժպտում են:

— Ֆաշիզմի մասին ի՞նչ գաղափար ունիք:

— Կօօօյի լճի ափին շարքերով կ'երթային...սանկ մեծ դրօշակներով...հո՛ն, ուր Բիլաջիոն իր նոճիների շուքի տակ...

— Ի՞նչ է նրանց նպատակը:

— Ֆիրենցէ մենք շատ ծանօթներ ունէինք,